

Sakspapir

Saksnr	Utvalg	Type	Dato
032/20	Formannskapet	PS	19.03.2020
044/20	Kommunestyret	PS	30.04.2020

Saksbehandler	Arkiv	ArkivsakID
Ketil Tjore	FA-U62	20/151

Prikktildeling Kilstraumen Brygge AS

Vedlegg

Uttale - sak om prikktildeling

Ber om uttale - prikktildeling Kilstraumen Brygge AS

Rapport -kontroll av skjenkeløyve -Kilstraumen Brygge - 25.12.2019

Skjenkeløyve Kilstraumen Brygge

Framlegg til vedtak:

Kilstraumen Brygge AS vert tildelt i alt 6 prikkar for dei brota som skjenkekontrollen avdekka i kontrollen 25. desember 2019. Prikkane vert ståande i to år frå denne datoen, fram til 24. desember 2021.

Formannskapet - 032/20 - 19.03.2020

FS - behandling:

I denne saka var det to ugilde, som vart erstatta av vararepresentant.

Helge Dyrkolbotn (KrF) har eigarinteresser i Kilstraumen Brygge AS, for han møtte Randi Keilegavlen Dyrøy.

Bjørn Inge H. Dyrkolbotn er sonen til Helge Dyrkolbotn, for Bjørn Inge H. Dyrkolbotn møtte Lise Renate Helle.

Handsaming i formannskapet:

Samrøystes for rådmannens framlegg til vedtak

FS - vedtak:

Kilstraumen Brygge AS vert tildelt i alt 6 prikkar for dei brota som skjenkekontrollen avdekka i kontrollen 25. desember 2019. Prikkane vert ståande i to år frå denne datoen, fram til 24. desember

2021.

Kommunestyret - 044/20 - 30.04.2020

KS - behandling:

I denne saka var det to ugilde representantar. Helge Dyrkolbotn (KrF) er involvert i selskapet Kilstraumen Brygge AS og er ugild. Representanten Bjørn Inge H. Dyrkolbotn (Sp) er son av Helge, og er ugild gjennom dette slektskapet. Ordførar Per Lerøy (Ap) sa at det var vurdert å henta inn vara, men at ein konkluderte med at denne saka heller vart handsama av 15 representantar.

Sakshandsamar Ketil Tjore orienterte om saka. Kilstraumen Brygge AS vert tildelt i alt 6 prikkar for dei brota som skjenkekontrollen avdekka i kontrollen 25. desember 2019.

Reidar Øksnes (Sp) spurte om kva handlingsrom det var for å vurdere tal prikkar. Sakshandsamar Ketil Tjore svara at dette er regulert i alkoholforskrifta, og at det berre er i heilt spesielle tilfelle at ein kan fråvika talet prikkar som skal tildelast.

Handsaming i kommunestyret:

Formannskapets framlegg til vedtak vedteke med 15 av 15 røyster.

KS - vedtak:

Kilstraumen Brygge AS vert tildelt i alt 6 prikkar for dei brota som skjenkekontrollen avdekka i kontrollen 25. desember 2019. Prikkane vert ståande i to år frå denne datoen, fram til 24. desember 2021.

Saksopplysninger:

Bakgrunn

Det vart 25. desember 2019 gjennomført ein skjenkekontroll hjå Kilstraumen Brygge AS, der kontrollørane noterte seg tre punkt som var i strid med skjenkeløyvet. Kommunen har i etterkant av kontrollen sendt brev til Kilstraumen Brygge AS og bedt om uttale (svaret ligg ved).

I brevet til Kilstraumen Brygge AS vart det vist til at prikktildelinga er fastsett i *Forskrift om omsetning av alkoholholdig drikk mv. (alkoholforskriften)*, som tilseier slik tildeling:

1. At det vart skjenka/konsumert alkohol utanfor godkjent skjenkeareal. – **1 prikk.**

§ 10-3: *Følgende overtredelser fører til tildeling av én prikk:*

- *gjester medtar alkohol ut av lokalet, jf. § 4-4 i denne forskriften*

2. At gjester konsumerte medbrakte alkoholvarer/tok alkohol med ut av lokalet. – **1 prikk.**

§ 10-3: Følgende overtredelser fører til tildeling av én prikk:

- konsum av medbrakt alkoholholdig drikk, jf. § 4-4 i denne forskriften

3. At det vart skjenka alkoholhaldig drikk ut over tilleten tid (skjenka brennevin etter 00.00) – **4 prikkar.**

§ 10-3: Følgende overtredelser fører til tildeling av fire prikker:

- brudd på salgs-, utleverings- og skjenketidsbestemmelsene, jf. alkoholloven § 3-4a, § 3-7 og § 4-4.

I sin uttale skriv Kilstraumen Brygge AS om dei ulike brota (heile brevet ligg ved):

Punkt 1 og 2 skuldast at gjester tok kjøpt alkohol med seg ut av skjenkeområdet nord for bygningsmassen, og medbrakt alkohol inn på skjenkeområdet same plass, eit område der restauranten denne kvelden hadde dårleg vaktdekning.

Punkt 3 skuldast ei misforståing kring kor lenge dei har lov til å skjenka brennevin, som onsdag 1. juledag 2019 var fram til midnatt, mot 01.00 på fredagar og laurdagar, 2. juledag og nyttårsafta.

På grunnlag av dei faktiske tilhøva, tilsvaret frå Kilstraumen Brygge AS og lov/forskrift, har administrasjonen førebudd ei sak til formannskapet. Saka skal vidare til endeleg vedtak i kommunestyret, jamfør alkoholforskrifta § 10-5.

Vurdering

I sitt tilsvar viser Kilstraumen Brygge AS til at:

- det var fråfall på vaktbemanninga den aktuelle kvelden
- det var forvirring kring kor lenge dei kunne skjenka brennevin
- at det var ny kontroll dagen etter utan feil
- at det ikkje har vore registrert feil ved andre kontrollar i 2017, 2018 og 2019, som er i den perioden dagens selskap har hatt drifta/skjenkeløyvet.

Kilstraumen Brygge AS viser også til at dei har gjennomgått rutiner og internkontroll etter hendinga.

Prikktildelinga er etter oppsettet i *Forskrift om omsetning av alkoholholdig drikk mv.*

(alkoholforskriften) § 10-3. Helsedirektoratet har publisert eit eige rundskriv med kommentarar til forskrifta, der det er klargjort kva tolkingsrom som finnest. Om prikkertildeling heiter det i punkt 10.2.1 Bestemt antall prikker at «Normalområdet til den enkelte overtredelse er vidt definert, og det har i utgangspunktet ikke betydning om det foreligger skjerpene eller formildende omstendigheter. Kommunen vil i disse tilfellene være forpliktet til å tildele det fastsatte antallet prikker.»

Det vil etter dette ikkje vera rom for å gå utanom oppsettet for prikkar, og summen for dei tre brota på skjenkeløyvet vert dermed 6 prikkar.

Desse prikkane vert ståande i to år framover. Dersom serveringsstaden på noko tidspunkt har tolv prikkar eller fleire, skal dette føra til inndraging av løyvet for minst ei veke. Kilstraumen Brygge AS hadde ingen prikkar registrert før desse brota 25. desember 2019.

Konklusjon

Kilstraumen Brygge AS vert tildelt i alt 6 prikkar for dei brota som skjenkekontrollen avdekkja i kontrollen 25. desember 2019. Prikkane vert ståande i to år frå denne datoen, fram til 24. desember

2021.